

西齋淨土詩附錄校譌
宗禪辯



西齋淨土詩

附錄 校讞

釋梵琦撰

編主五雲王

編初成集書叢

種一他其及詩土淨齋西

中華民國二十五年十二月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

西齋淨土詩舊序

念佛三昧羣經所宣諸佛共讚諸大菩薩共修實禪門
往哲之所留意也若永明之萬善同歸集慈覺之葦江
集皆指淨業爲入道之至要可不信乎世之學佛者乍
聞卽空之說不能精究而泥於一轍則視修淨業者爲
淺鄙而輒詆排之是排諸佛羣經諸祖也其無知亦甚
矣西齋和尚禪門之上達也觀其自童幼至於耆年孜
孜以淨業爲務精修密鍊不舍晝夜發爲歌詩數千首
皆三昧心中之所流出宗說兼暢教禪混融掃蕩立變

化萬殊未可以一轍觀也夫以西齋材識之淵博學者未易窺其涯涘其畱心淨土有若此者然則念佛三昧其可忽哉若海藏主募衆刊行非獨與世之修淨業者共亦足爲不信者勸也洪武十九年丙寅夏五前住吳門北禪沙門大佑敬書

唯心淨土之說人皆知之而鮮得其要者蓋不知唯之一字乃法界無外之稱往往泥於名相驚外而求求之愈勤而心土愈遠矣若了依正色心諸法離名絕相趣舉一法法法互融觸向對而無非覺者舉足下足皆淨

土焉吾佛聖人於諸大乘經中偏讚西方極樂世界雖
遠在十萬億佛土外要其所歸唯在一心所以方便示
人往生之捷徑也廬山遠法師招同志結蓮社修念佛
三昧晉唐諸賢皆有念佛三昧詠宋檀庵嚴教主始作
懷淨土詩繼而和之者亦不少矣然未有若西齋老人
禪悅之餘專意淨業觸境遇物發爲歌詩凡數百餘首
歷歷與契經合使人讀之恍然如游珠網瓊林金沙玉
沼殊不知有人間世也苟非深達事理一貫心境混融
者能之乎而其臨終措識明了自言吾將往西方泊然

而化斯正念往生之效也余時因赴 召來京寓龍河
目擊其事今觀其所作益知平昔用心勤矣三宗學人
將繡諸梓以壽其傳爲修淨業者勸余實嘉之遂書其
編首云洪武二十一年龍集戊辰冬上天竺前住山宏
道序

西齋淨土詩者乃四明楚石琦禪師之所作也禪師學
行高一世宗說兼通禪寂之外不嗜他好專志淨業直
欲橫截長驚而後已所謂有禪有淨土者也嘗觸景遇
物發爲歌詩累數百篇皆於念佛三昧心中流出無不

與契經合響一吟一詠恍若神遊淨域耳玉偈而目金容也信乎全身坐於淨土中矣昔東晉遠法師倡爲念佛三昧詩序劉遺民作誓詞王喬之宗雷諸賢皆作詩珠回玉轉至今輝映簡冊唐宋鴻儒碩縉皆能嗣其徽音連篇累牘傳之爲盛然未有若禪師之集如是之富且夥也然是集初傳於兩浙旣已版行矣今有修念佛三昧者李覺悟宋福順汪晉敬陳覺興王晉敬賈晉江金妙聲嚴晉廣等因獲是集惜其未廣布於中夏謀於同道重繡諸梓使凡觀是集詠是詩者發起念佛之心

偕爲蓮花勝友而不終溺於苦域者矣一日來徵言以
識歲月予亦修淨業者因不辭書此以歸之且相率勉
厲策進乎淨業將與禪師同遊于華池寶地之間豈徒
吟詠而已哉永樂十六年十月初吉四明延慶住山釋
大問序

西齋淨土詩序

原夫妙法難聞凡心易染猥云當下逐妄迷真驕語隨緣虛生浪死不知難非不易法本唯心心無其心聖人所以渾身應妙法無其法學者所以立地超凡故禪家開念佛之門而慈氏顯西方之幻精勤觀想卽想卽觀卽妙明心顯密圓通非圓非通非不住法譬農夫之有畔穠蓂自豐卽水火之無窮卽門斯與是處豈容擬議到頭止有虔修此立教者所爲直指無岐而闡教者共是長言無已也楚石禪師家本明州緣深我邑衣傳永

祚室築西齋秉妙喜之一燈光浮七級證天台之三昧
念徹千聲蓋雖東西南北顯化縱橫其間嗟歎詠歌惟
觀自在顧當年淨土詩三百餘首今卽流通本什一無
存所幸千燈還同一燄吾友劉君子福夙抱利根皈依
蓮池老師長磨慧劍前於師將怛化偶然便謁雲栖俾
之亟訪前書出忽相逢市肆雖多脫簡具是牛車因歷
名山頓還衣寶途間校定役返呈師歸而剗剗方新師
已涅槃如幻迹其傾還底裏真是本無去來五十餘年
之山斗東南何容岐示八十一歲之總持衣鉢獨此家

風遙連楚石西齋密邇高峯雙徑初非逃儒歸墨茲豈
樂淨離宗渺哉黍米之玄卓爾參前之倚將法還法以
心還心何聖何凡孰迷孰浪用藉吾鹽勝事通還法界
信心若曰聲聞則吾豈敢

萬厯乙卯季秋之朔武原病叟朱元弼齋沐稽首撰書

西齋淨土詩目錄

卷一

懷淨土詩一百十首 并自序

卷二

列名淨土詩一百八首 并自序

卷三

十六觀讚二十二首

化生讚八首

析善導念佛偈八首

懷淨土百韵詩一首

娑婆苦漁家傲十六首

西方樂漁家傲十六首

附錄

善導勸念佛偈一首

中峯勸念佛詩二首

送徒弟獻書記參學詩一首

血書法華經贊

偶宿虎谿集慶山房詩

楚石和尚行狀

佛日普照慧辯禪師塔銘

西齋和尚傳

雲栖蓮大師紀略

二則

西齋淨土詩目錄

西齋淨土詩
目錄

西齋淨土詩卷一

四明釋梵琦楚石撰

懷淨土詩一百十首

并自序

儒者之詩云伐柯伐柯其則不遠說者曰執柯以伐柯睨而視之猶以爲遠信斯言也吾宗念佛唯我自心心欲見佛佛從心見阿彌陀佛三十二相八十種好性本具足不假外求神通光明極未來際名無量壽至於華池寶座瓊樓玉宇一一淨境皆自我心發之妙喜有云若見自